



UNIVERSITÄTS-
BIBLIOTHEK
PADERBORN

Avrea Gemma Christianorvm

Ruben, Leonhard

Paderbornae, 1604

X. Christus Dominus nascitur sine peccato.

[urn:nbn:de:hbz:466:1-68313](https://nbn-resolving.org/urn:nbn:de:hbz:466:1-68313)

do militia caelestis laudantium Deum, & dicentium
 Gloria in altissimis Deo; & in terra pax hominibus
 bonae voluntatis. Ioan. 7. 42. Nonne scriptura do-
 cuit: Quia ex semine David, & de Bethlehem caste-
 lo, ubi erat David, venit Christus. Galat. 4. 4. 5.
 At ubi venit plenitudo temporis, misit Deus Fi-
 lium suum, factum ex muliere, factum sub lege, &
 eos, qui sub lege erant redimeret, ut adoptionem
 horum reciperemus.

CAPVT X.

Christus Dominus nascitur sine peccato.

PROPHETIAE Isai. 53. 4. Verè languor
 nostros ipse tulit, & dolores nostros ipse portauit
 & nos putauimus eum quasi leprosum, & percussus
 à Deo, & humiliatum. Verſ. 9. Et dabit impietatem
 pro sepultura, & diuitem pro morte sua, eo quod
 quitatem non fecerit, neque dolus fuerit in ore
 Verſ. 12. Ideo disperſiam ei plurimos, & iura
 diuidet spolia, pro eo quod tradidit in mortem
 animam suam, & cum sceleratis reputatus est; &
 peccata multorum tulit, & pro transgressoribus roga-

VERITAS. Ioan. 8. 46. Quis ex
 arguet me de peccato? Si veritatem dico vobis,
 re non creditis mihi? 2. Cor. 5. 20. 21. Pro Christo
 ergò legatione fungimur, tanquam Deo exhortamur
 per nos. Obsecramus pro Christo, reconciliamur
 Deo. Eum, qui non nouerat peccatum, pro
 peccatum fecit, ut nos efficeremur iustitia Deo
 ipſo. Hebræor. 4. 15. 16. Non enim habemus
 iustificem, qui non possit compari infirmitatibus

sentatum autem per omnia pro similitudine absque peccato. Adeamus ergo cum fiducia ad thronum gratiae, ut misericordiam consequamur, & gratiam inueniamus in auxilio opportuno. Ibid. capit. 7. 26. 27. 28. Talis enim decebat ut nobis esset pontifex, sanctus, innocens, impollutus, segregatus a peccatoribus, & excelsior ceteris factus: qui non habet necessitatem quotidie, quemadmodum Sacerdotes, prius pro suis delictis hostias offerre, deinde pro populi; hoc enim fecit semel, seipsum offerendo. Lex enim homines constituit sacerdotes infirmitatem habentes: sermo autem iuris iurandi, qui post legem est, Filium in aeternum perfectum. 1. Epistol. Petr. 2. 21. 22. 23. 24. 25. In hoc enim vocati estis; quia & Christus passus est pro nobis, vobis relinquens exemplum ut sequamini vestigia eius: qui peccatum non fecit, nec inuentus est dolus in ore eius qui cum malediceretur, non maledicebat. Cum pateretur, non comminabatur: iradebat autem iudicanti se iniuste. Qui peccata nostra ipse pertulit in corpore suo super lignum, ut peccatis mortui, iustitiam viuamus: cuius linore sanati estis. Eratis enim sicut oves errantes, sed conuersi estis nunc ad pastorem & Episcopum animarum uestrarum. 1. Ioan. 3. 5. Et scitis quia ille apparuit, ut peccata nostra tolleretur; & peccatum in eo non est. Imo ipse est agnus qui tollit peccata mundi. Isai. 16. 1. Emitte agnum Domine dominatorem terrae, de petra deserti ad montem filiae Sion. Ibid. 53. 7. Oblatus est quia ipse voluit, & non aperuit os suum: sicut ovis ad occisionem ducetur, & quasi agnus coram tondente se

obmutescet, & non aperiet os suum. Ierem. 11. 19.
 Et ego quasi agnus mansuetus, qui portatur ad vi-
 ctimam: & non cognoui quia cognouerunt super me
 consilia, dicentes. Mittamus lignum in panem
 eius, & eradamus eum de terra viuentium, & no-
 men eius non memoretur amplius. Ioan. 1. 29. Alte-
 ra die vidit Ioannes Iesum venientem ad se, & ait:
 Ecce agnus Dei, ecce qui tollit peccatum mundi.
 Actor. 8. 31. 32. Qui ait; & quomodo possum, si non
 aliquis ostenderit mihi? Rogauitq; Philippum ut
 ascenderet, & sederet secum. Locus autem ser-
 pturae, quem legebat, erat hic. Tanquam ovis ad oc-
 cisionem ductus est, & sicut agnus coram tondente
 se, sine voce, sic non aperuit os suum. 1. Corinth. 5.
 7. 8. Expurgate vetus fermentum ut sitis noua cor-
 ruptio, sicut estis azymi. Etenim Pascha nostrum
 immolatus est Christus. Itaq; epulemur, non in fero-
 mento veteri, neq; in fermento malitiae & nequitiae:
 sed in azymis sinceritatis, & veritatis. Apoc. 5. 6.
 7. 8. 9. 10. 11. 12. 13. 14. Et vidi: & ecce in medio
 throni & quatuor animalium, & in medio seniorum
 agnum stantē tanquam occisum, habentem cornua
 septē; & oculos septē qui sunt septem spiritus Dei missi
 omnē terram. Et venit: & accepit de dextera sedentem
 in throno libram. Et cum aperuisset librum, quatuor
 animalia, & viginti quatuor seniores ceciderunt
 coram agno, habentes singuli citharas, & psalteria
 aureas plenas odoramentorum, quae sunt orationes
 sanctorum, & cantabant canticum nouum, dicen-
 tes: Dignus es Domine accipere librum, & aperire
 signa

signacula eius; quoniam occisus es, & redemisti nos Deo in sanguine tuo ex omnibus, & lingua, & populo, & natione; & fecisti nos Deo nostro regnum & sacerdotes; & regnabimus super terram. Et vidi, & audiui vocem angelorum multorum in circuitu throni, & animalium, & seniorum; & erat numerus eorum millia millium, dicentium voce magna: Dignus est agnus, qui occisus est, accipere virtutem, & diuinitatem, & sapientiam, & fortitudinem, & honorem, & gloriam, & benedictionem. Et omnem creaturam, quae in caelo est, & super terram, & sub terra, & quae sunt in mari, & quae in eo: omnes audiui dicentes sedenti in throno, & agno: benedictio, & honor, & gloria, & potestas, in saecula saeculorum, & quatuor animalia dicebant: Amen. Et viginti quatuor seniores ceciderunt in facies suas, & adorauerunt viventem in saecula saeculorum. Plura ibidem capit. 7. vers. 9. 10. † 13. vers. 14. 15. 16. 17.

CAPVT XI.

Christus circumciditur & imponitur illi
nomen Iesus.

FIGVRAE. Prima in Isaac qui octauo die circumciditur. Genes. 21. 1. 2. 3. 4. 5. 6. Concepitq; & peperit filium in senectute sua, tempore quo praedixerat ei Deus. Vocauitq; Abraham nomen filij sui quem genuit ei Sara, Isaac, & circumcidit eum octauo die, sicut praeeperat ei Deus, cum centum esset annorum, hac quippe aetate patris natus est Isaac. Dixitq; Sara. Risum fecit mihi Deus: quicumq; audierit, corridebit mihi.

H 3

Secunda